



NAFARROAKO PARLAMENTUKO

ALDIZKARI OFIZIALA

V. legegintzaldia

Iruñean, 2001eko maiatzaren 26an

56 ZK.

A U R K I B I D E A

A SAILA:

Foru lege proiektuak:

- Foru Legea, Nafarroako administrazio publikoen zerbitzuko langileentzako neurriei buruzkoa. Osoko Bilkurak onetsia (2. or.).
- Foru lege proiektua, Nafarroako Administrazio Publikoen montepioetako funtzionarioen eskubide pasiboei buruzkoa. Osoko Bilkurak onetsitako osoko zuzenketa (8. or.).

B SAILA:

Foru lege proposamenak:

- Foru Legea, abereen osasunari buruzko azaroaren 16ko 11/2000 Foru Legea aldatzen duena. Osoko Bilkurak onetsia (9. or.).
- Foru Legea, Castejónen ikasleen hezkuntza-zerbitzua mantentzeari buruz Nafarroako Parlamentuak 2000ko ekainaren 30ean hartutako Erabakia betearaztekoa. Osoko Bilkurak onetsia (10. or.).
- Nafarroako Kontseiluari buruzko martxoaren 16ko 8/1999 Foru Legea aldatzeko Foru Lege proposamena. Osoko Bilkurak atzera bidalitakoa (12. or.).

E SAILA:

Jabeldurak, mozioak eta adierazpen politikoak:

- Erabakia. Horren bidez, Nafarroako Gobernua premiatzen da arrantza barrutien kudeaketa dela-eta zenbait erabaki har ditzan. Osoko Bilkurak onetsia (13. or.).
- Erabakia. Horren bidez, Nafarroako Gobernua premiatzen da kanpin instalazioetako arriskuak aztertzeari berriro ere ekin diezaion. Osoko Bilkurak onetsia (13. or.).
- Mozioa. Horren bidez, Nafarroako Gobernua premiatzen da sexu- eta osasun-hezkuntzako teknikari lanpostuetarako prestakuntza berezia eska dezan. Osoko Bilkurak bazter utzia (14. or.).
- Mozioa. Horren bidez, Nafarroako Gobernua premiatzen da, besteak beste, bertan behera utz ditzan azken hilabeteotan euskararen inguruan hartutako neurriak. Osoko Bilkurak bazter utzia (14. or.).

A saila:
FORU LEGE PROIEKTUAK

Foru Legea, Nafarroako administrazio publikoen zerbitzuko langileentzako neurriei buruzkoa

OSOKO BILKURAK ONETSIA

Nafarroako Parlamentuak, 2001eko maiatzaren 17an egindako Osoko Bilkuran, Nafarroako administrazio publikoen zerbitzuko langileentzako neurriei buruzko Foru Legea onetsi zuen.

Biltzarreko Erregelamenduko 143. artikuluan ezarritakoa betez, argitara dadin agindu da.

Iruñean, 2001eko maiatzaren 21ean

Lehendakaria: José Luis Castejón Garrués

Foru Legea, Nafarroako administrazio publikoen zerbitzuko langileentzako neurriei buruzkoa

ZIOEN AZALPENA

Nafarroako Administrazio Publikoen zerbitzuko langileen estatutuaren testu bategina abuztuaren 30eko 251/1993 Legegintzako Foru Dekretuaren bidez onetsi zen. Bertan ezartzen da funtzio publikoaren arloko zenbait xedapen foru lege mailako arauen bidez onetsi behar direla.

2000 eta 2001. urteetan Nafarroako administrazio publikoen zerbitzuko langileek izanen dituzten lan baldintzei buruz administrazioak eta sindikatuek 2000ko apirilaren 4an sinatutako hitzarmena bi parte horien arteko negoziazio prozesuaren emaitza izan da.

Hitzarmen horretako alderdi batzuk arauetan bildu behar dira. Gero, hitzarmenaren 19. idatzatiaren arabera, administrazioak dagokion maila emanen dio arau horietako bakoitzari, behar bezala onetsi eta indarra hartzeko.

2000ko apirilaren 17an, Nafarroako Gobernuak berretsi zuen 2000ko apirilaren 4ko hitzarmen hura eta Lehendakaritza, Justizia eta Barne Departamentuari agindu zion hura betearazteko beharrezko neurri eta ekimenak jar zitzala abian, hala legezkoak nola erregelamenduzkoak,

kasuan-kasuan behar den organoak onetsi eta gero indarra har zezaten.

Hitzarmenean interes partikularreko borondatezko eszedentzia kasuetan jatorrizko lanpostua urte bat eta erdiz erresebatzeko aukera biltzen da eta, bestalde, azaroaren 5eko 39/1999 Legean aurreikusitakoa aplikatzeko behar diren aldaketak egiten dira, langileek batera eraman ahal izan ditzaten laneko eta familiako eginkizunak.

Horri gagozkiola, azaroaren 5eko 39/1999 Legeak funtzio publikoa erreformatzeko neurriei buruzko abuztuaren 2ko 30/1984 Legearen 29.4 artikulua aldatu du, seme-alabak zaintzeko eszedentziaren gainekoa hain zuzen. Horren ondorioz, hura baliatzeko arauak zehaztu dira eta eszedentzia eskatzeko arrazoi bat gehiago sartu, hots, beren buruaz baliatzeko gauza ez diren ahaideei laguntzea.

Azkenik, behin eta berriz aipatzen ari garen hitzarmen horren 9. idatz-zatian, zenbait langile-talde C mailan sartzeari buruzko horretan, ezartzen da foruzainak, suhiltzaileak, ingurugirozainak, mendi zaindariordeak eta puerikulturako laguntzaileak, 2001eko urtarrilaren 1etik aurrerako ondorioekin, C mailan sar daitezen proposatzeko lege-arauen proiektuak izapidatuko direla. Aldaketa horrekin batera langileek egun jasotzen dituzten osagarriak ere moldatuko dira, aldaketa horrek, ahal bada, kostu ekonomikorik izan ez dezan. Hori guztia hitzarmena sinatu duten sindikatuekin negoziatuko da.

Kontuan harturik Nafarroako polizia kidegoei buruzko otsailaren 13ko 1/1987 Foru Legearen arabera, foruzaintzako eta udaltzaintzako arauak berdinak direla, bidezko da C mailaren aldaketak bi langile-talde horietan izanen duen eragina berdina izatea.

Bestalde, beharrezkoa da Langile Estatutuaren 7.a) eta 10. artikulua aldatzea, zerga, administra-

zio eta gizarte neurriei buruzko abenduaren 29ko 55/1999 Legeak Europar Batasuneko kide diren beste estatuetako herritarrak funtzio publikoaren zenbait sektoretan sartzeko bidea arautzen duen abenduaren 23ko 17/1993 Legean egin dituen aldaketetara egokitzeke.

Halaber, Langileen Estatutuaren 7.b) artikulua aldatuko da, langile-talde batzuetan sartzeko erregelamenduz ezarrita dagoen gehieneko adin-mugari lege mailako estaldura emateko.

Azkeneko xedapenetan zazpigarrenari bigarren lerrokada bat erantsi zaio minusbaliotasunak dituztenak funtzio publikoan sartzeko aukerak zabaltzeko asmoz, izan ere, bertan ezartzen da lanpostu hutsak aukeratzeko orduan lehentasuna izanen dutela txanda irekiko izangaien aurretik.

Bestalde, aipatu Langileen Estatutuaren hama-bosgarren xedapen gehigarria bestala idatziko da, eta Nafarroako administrazio publikoaren menpeko Su-itzaltze eta Salbamendu Zerbitzuetako langileen erregimenaren ezaugarri bereziak jasotzen dira. Halaber, Nafarroako Polizia Kidegoei buruzko otsailaren 13ko 1/1987 Foru Legearen 32, 34.3, 35, 37, 40, 46.4 eta 46.6 artikulua bestela idatziko dira.

Azkenik, egoki da langileriaren gaineko hainbat neurri biltzen dituen testu honetan Osasunbidea-Nafarroako Osasun Zerbitzuari atxikitako langileen araubide berezia onesten duen urriaren 20ko 11/1992 Foru Legearen 29.1.c) eta 30. artikuluen aldaketa ere sartzea. Aldaketa horri esker, aipatu erakunde autonomoari ahalmena ematen zaio lanaldi partzialeko langileak kontrata ditzan.

I. KAPITULUA

Abuztuaren 30eko 251/1993 Legegintzako Foru Dekretuaren bidez onetsi zen Nafarroako administrazio publikoaren zerbitzuko langileen estatutuaren testu bateginean sartu diren aldaketak

1. artikulua. 7. artikulua honela geldituko da:

"7. artikulua.

Hautapen probetan onartua izateko, honako beharkizun hauek bete beharko dira:

a) Espainiako nazionalitatea izatea.

Europar Batasuneko zuzenbideari jarraikiz, Europar Batasuneko kide diren beste estatuetako nazionalitatea dutenek ere sartzea izanen dute lanpostu publiko guztietan, espainiarrei eskatzen zaizkien baldintza berberetan, salbu eta botere publikoan zuzenean edo zeharka parte hartzea dakarten lanpostuetan eta Estatuaren edo admi-

nistrazio publikoaren interesak defendatzea helburu duten eginkizunetan.

Aurreko lerrokadan ezarritakoa aplikatuko zaie, orobat, espainiarren eta Europar Batasuneko beste estatu bateko nazionalitatea dutenen ezkontideei, zuzenbidearen arabera bananduta ez badaude, hala nola euren oinordekoei eta ezkontidearen oinordekoei ere, zuzenbidearen arabera bananduta ez badago, baldin eta oinordekoak 21 urtetik beherakoak badira edo, zaharragoak izan da ere, haien bizkar bizi badira.

Orobat aplikatuko zaie, Europar Batasunak sinatu eta Espainiak berretsitako nazioarteko itunen arabera, langileen zirkulazio librea onartzen duten herrialdeetako biztanleei.

Nafarroako administrazio publikoek, zeinek bere eskumenen arabera, zehaztu beharko dute zein diren Europar Batasuneko beste estatuetako nazionalitatea dutenek betetzerik ez duten lanpostuak.

b) Adinez nagusia izatea eta erregelamenduz ezarritako adinetik beherakoa, horrelakorik finkatzen baldin bada.

c) Eskatutako titulua edukitzea edo, eskaerak aurkezteko epea amaitzen denean, hura eskuratzeko egoeran izatea.

d) Kasuan kasuko eginkizunetan aritzeko behar den gaitasun fisiko eta psikikoa izatea.

e) Eginkizun publikoetan aritzeko ezgaitua edo baztertua ez izatea eta administrazio publikoaren bateko zerbitzutik berezia ez izatea."

2. artikulua. 10. artikulua honela geldituko da:

"10. artikulua.

Funtzionario izaera honako kasuetan galduko da:

a) Norberak propio eskatuta.

b) Espainiako edo Europar Batasuneko beste estatu bateko nazionalitatea galdutakoan, salbu eta, horrekin batera, kide den beste estatu batekoa hartzen baldin bada.

Estatutu honetako 7. artikuluko a) letran xedatutakoaren arabera, lanpostu publiko batean espainiarren baldintza berberetan sartzea ahalbidetzen duten baldintzetako bat galdutakoan, salbu eta interesatuak a) letran adierazten diren behar-kizunetako bat betetzen baldin badu.

c) Diziplina espediente baten bidez edo epai judizial irmo baten bidez zerbitzutik bereizitakoan.

d) Estatutu honetako 26.3 eta 27.7 artikuluetan zehaztutako kasuetan".

3. artikulua. 26. artikuluko 1. idatz-zatiko c) letra honela geldituko da:

"c) Funtzionarioaren interes partikularrengatik. Jatorrizko lanpostua hemezortzi hilabetez gordeko da, zerbitzuaren beharrek horretarako bidea ematen badute eta interesatuak egiaztatzen baldin badu eskaera egin aurreko bi urteetan, gutxienez, jardunean edo horren antzeko lan egoera batean aritu dela".

4. artikulua. 27. artikulua honela geldituko da:

"27. artikulua.

1. Funtzionarioak eskatuta, eszedentzia berezia onartu ahalko da, kasuan-kasuan ezartzen den eperako, honelako kausa hauek egiaztatuz gero:

a) Hiru urterako, gehienez, seme-alaba bakoitza zaintzeko, naturalak zein adoptatuak, hala nola adoptatu aurreko harrera-fasean daudenak eta babespean betiko hartzen direnak ere. Hiru urte horiek haurra jaiotzen denetik edo, bestela, epaileen edo administrazioaren ebazpenaren egunetik aurrera kontatuko dira.

b) Hiru urterako, gehienez, funtzionarioaren kargura dagoen odoleko edo ezkontza bidezko ahaideren bat zaintzeko, bigarren gradu artekoa —horiek barne—, baldin eta adinagatik edo istripu edo eritasun baten ondorioz bere kasa bizitzeko gauza ez bada eta lansari erregularrik jasotzen ez badu.

2. Eszedentzia berezi bakarra hartu ahal izanen da hura eragiten duen subjektu bakoitzeko. Beste subjektu eragile batek beste eszedentzia berezi baterako bide ematen badu, hura hastearrekin batera ordura arte disfrutatzen ari zen eszedentzia amaituko da.

3. Eszedentzia mota hau funtzionarioen banakako eskubidea da. Subjektu eragile berak bi funtzionarioentzako eskubidea ahalbidetzen baldin badu, kasuan kasuko administrazio publikoak eskubidea izanen du bi funtzionarioek aldi berean erabili behar duten eszedentzialdia mugatzeko, zerbitzuaren beharrak direla-kausa arrazoi justifikaturik baldin badago.

4. Kasu guztietan, eszedentzia berezia emateko, funtzionarioak aitortu beharko du bitartean ez duela beste jarduera profesionalik edo lanik egin behar.

5. Eszedentzia berezian dauden funtzionarioek jatorrizko lanpostua gordetzeko eskubidea izanen

dute, baina ez dute eskubide ekonomikorik sortuko. Dena den, antzinasunaren ondorioetarako, egoera horretan ematen duten aldi osoa aintzat hartuko zaie. Eskubide pasiboen ondorioetarako, haien babes sozialeko arautegian ezarritakoari jarraikiko zaio.

6. Eszedentzia berezia duten funtzionarioek eszedentzi aldia bukatu eta hurrengo egunean hasi beharko dute lanean jatorrizko lanpostuan.

7. Eszedentzia bereziko aldia bukatu gabe ere, interesatuek noiznahi eskatu ahalko dute jardunean hastea, baina kausa berean oinarritutako beste eszedentziarik ezin izanen dute eskatu. Lanean berriz hastea erabakitakoan, aurreko artikuluko 3. idatz-zatian ezarritakoari jarraikiko zaio".

5. artikulua. Zazpigarren xedapen gehigarriari bigarren lerrokada bat erantsi zaio, honako hau dioena:

"Aurreko lerrokadan ezarritako ezintasun-maila izanda, administrazioan sartzeko deialdi bateko lanpostua lortzen duten izangaiak, lanpostu hutsak aukeratzeko orduan, txanda irekiko izangaien aurretik egonen dira, zein txandatatik sartu diren kontuan hartu gabe."

6. artikulua. Hamabosgarren xedapen gehigarriak testu hau izanen du:

"Hamabosgarrena. 1. Nafarroako administrazio publikoen menpeko su-itzaltze eta salbamendu zerbitzuetako funtzionarioei dagozkien gaiak Nafarroako administrazio publikoen zerbitzuko langileei buruzko xedapen orokorrek arautuko dituzte, salbu eta hurrengo idatz-zatietan xedatutakoan.

2. Su-itzaltze eta salbamendu zerbitzuetan, betiere, lanpostu hauek izanen dira:

- Suhiltzaile-ofiziala: A maila.
- Suhiltzaile-ofizialordea: B maila.
- Suhiltzaile sarjentua: B maila.
- Suhiltzaile kabua: C maila.
- Suhiltzailea: C maila.

3. Suhiltzaile lanpostuak funtzio publikoan sartzeko oposizio bidez beteko dira. Hautaketa proben artean, betiere, Nafarroako Administrazio Publikoaren Institutuak emanen duen prestakuntza ikastaro bat egonen da. Ikastaroak dirauen bitartean izangaiak praktiketako funtzionarioak izanen dira.

4. Suhiltzaile kabuaren lanpostu hutsak gora-goko kategoriara igotzeko lehiaketa bidez beteko dira, Nafarroako edozein Administrazio Publikoa-

ren suhiltzaileen artean. Lehiaketan, betiere, Nafarroako Administrazio Publikoaren Institutuak emanen duen gaikuntza ikastaro bat egonen da. Goragoko kategoriara igotzeko lehiaketa horretan parte hartzeko baldintza izanen da, suhiltzaile lanpostuan hiru urteko zerbitzuak egiaz eman direla frogatzea.

5. Suhiltzaile sarjentuaren lanpostu hutsak oposizio-lehiaketa bidez beteko dira. Lehiaketan, betiere, Nafarroako Administrazio Publikoaren Institutuak emanen duen gaikuntza ikastaro bat egonen da. Parte ahal izanen dute, barne igoera txandan, suhiltzaile kabuek baldin eta frogatzen badute kabu lanpostuan hiru urteko zerbitzuak egiaz eman dituztela eta erregelamenduz ezarritako titulua, unibertsitatekoa, erdi edo goi mailakoa, badute; eta suhiltzaile kabuek baldin eta frogatzen badute Nafarroako edozein Administrazio Publikoan bost urteko zerbitzuak egiaz eman dituztela.

6. Suhiltzaile-ofizialordearen lanpostu hutsak goragoko kategoriara igotzeko lehiaketa bidez beteko dira, Nafarroako edozein Administrazio Publikoaren suhiltzaile sarjentoen artean. Lehiaketan, betiere, Nafarroako Administrazio Publikoaren Institutuak emanen duen gaikuntza ikastaro bat egonen da. Goragoko kategoriara igotzeko lehiaketa horretan parte hartzeko baldintza izanen da, suhiltzaile lanpostuan hiru urteko zerbitzuak egiaz eman direla frogatzea.

7. Suhiltzaile-ofizialaren lanpostu hutsak oposizio-lehiaketa bidez beteko dira. Lehiaketan, betiere, Nafarroako Administrazio Publikoaren Institutuak emanen duen gaikuntza ikastaro bat egonen da. Nafarroako edozein administrazio publikotako suhiltzaile-ofizialordeek parte hartu ahalko dute, baldin eta frogatzen badute ofizialorde lanpostuan bost urteko zerbitzuak egiaz eman dituztela eta erregelamenduz ezarritako titulua, unibertsitateko goi mailakoa, badute. Oposizio-lehiaketa horretan betetzen ez diren lanpostu hutsak Nafarroako administrazio publikoen zerbitzuko A mailako funtzionarioen arteko lekualdatze lehiaketaren bidez beteko dira, betiere beraien lanposturako suhiltzaile-ofizial izateko erregelamenduz ezarritako unibertsitateko goi mailako titulazioa eskatu baldin bazieten. Horren ondotik ateratzen diren lanpostu hutsen deialdia txanda irekiko oposizio-lehiaketaren bidez egingen da.

8. Aurreko idatz-zatietan aipatzen diren sarrera eta igoera prozedurak ebatzi aitzin, dauden lanpostu hutsak Nafarroako edozein administrazio publikotan lanpostu berdina betetzen dituzten funtzionarioen arteko lekualdatze lehiaketara aterako dira.

9. Suhiltzaile edo suhiltzaile kabu lanpostuetan aritzen diren funtzionarioek, 55 urte betetakoan destino hauetako bat aukeratu ahal izanen dute:

a) Lanpostu berean gelditzea 60 urte bete arte. Horretarako, osasun azterketa eta gaitasun fisiko-probak gainditu beharko dira urtero, lanpostuan aritzeko behar diren baldintzak dituztela frogatzeko.

b) Dauden zerbitzuan zerbitzu osagarrietako lanpostu batetara pasatzea. Lan horietan aritzen direnek ez dute zuzenean esku hartzen ezbeharretan eta laguntzako eginkizunak betetzen dituzte.

Eritasuna edo istripua dela-eta, lanpostuaren eginkizunak betetzeko ezindurik dauden Su-itzaltze eta Salbamendu Zerbitzuetako funtzionarioek ere zerbitzu osagarrietako lanpostu batetan aritzera pasatu ahalko dira, eta horrek operazio-taldean lanpostu hutsa sortuko du."

II. KAPITULUA

Nafarroako polizia kidegoei buruzko otsailaren 13ko 1/1987 Foru Legean egin diren aldaketak

7. artikulua. 32. artikulua honela geldituko da:

"32. artikulua.

Nafarroako polizia kidegoetan sartzeko, honako titulu hauek eskatuko dira, gutxienez:

a) Polizia, kabu eta sarjentu lanpostuetarako, batxilergoko edo goi mailako teknikariaren titulua, edo horien baliokidea.

b) Ofizial karguetarako, unibertsitateko goi mailako titulua edo horren baliokidea izatea, edo bestela, Estatuko segurtasun kidego eta indarretako edo indar armatuetako buru, ofizial edo agintaria izatea".

8. artikulua. 34. artikuluko 3. idatz-zatia honela geldituko da.

"3. Aurreko idatz-zatian aipatu oposizio-lehiaketan parte hartzeko, egiaztatu beharko da aurreaurreko beheragoko lanpostuan bi urteko antzinatea duela, gutxienez".

9. artikulua. 35. artikulua honela geldituko da:

"35. artikulua.

1. Foruzain-ofizialen lanpostu hutsak honela beteko dira:

a) Ehuneko berrogeita hamar barneko igoera txandan, Foruzain-goko kideen arteko oposizio-lehiaketa bidez.

b) Beste ehuneko berrogeita hamarra Estatuko segurtasuneko kidego eta indarretako edo indar armatuetako buru, ofizial edo agintarien arteko oposizio-lehiaketa bidez.

2. Aurreko idatz-zatian ezarritako ehunekoak aplikatzeko, sortzen diren bi lanpostu hutsetatik lehenengoa barne igoerarako izanen da eta bigarrena aurreko idatz-zatiko b) letran ezarritako txandarako.

3. Artikulu honetako 1. idatz-zatiko a) letran aipatu oposizio-lehiaketan parte hartu ahal izateko, honako baldintza hauek bete beharko dira:

a) Aurre-aurreko lanpostuan, gutxienez, bi urteko antzintasuna izatea.

b) Lanpostu horretarako eskaturiko titulu akademikoa izatea.

4. Udaltzaingoko Kidegoetako Ofizialen lanpostu hutsak arestiko idatz-zatian zehazturiko baldintzak betetzen dituzten udaltzainen artean beteko dira.

5. Arestiko 1. eta 4. idatz-zatietan ezarritakoari jarraikiz betetzen ez diren ofizial lanpostuak txanda irekian eskainiko dira, 32. artikuluko b) idatz-zatiko baldintzak betetzen dituztenen artean bete daitezten".

10. artikulua. 37. artikulua honela geldituko da:

"37. artikulua.

Nafarroako Administrazio Publikoen menpeko Polizia Kidegoetako funtzionarioak maila hauetan sailkatuko dira:

a) Ofizialak: A maila.

b) Sarjentuak: B maila.

c) Poliziak eta kabuak: C maila".

11. artikulua. 40. artikulua honela geldituko da:

"40. artikulua.

Lanpostu hutsak sortzen direnean, mailaz gora egiteko modua oposizio-lehiaketa izanen da, kasuan kasuko kidegoan maila apalagoetan dauden funtzionarioen artean, 35. artikuluko 3. idatz-zatian ezarritakoari jarraikiz".

12. artikulua. 46. artikuluko 4. idatz-zatia honela geldituko da:

"4. Lanpostuaren osagarria zailtasun edo erantzukizun berezia duten lanpostuei emanen zaie, hala nola bizkartzaintza zerbitzuko, prestakuntza tekniko berezia behar dutenei eta unitate organikoetako buruei. Kasuan kasuko mailaren oinarritzko soldataren % 85ekoa izanen da, gehienez".

13. artikulua. 46. artikuluko 6. idatz-zatia honela geldituko da.

"6. Bateriaezintasunaren osagarria, eginkizunak ikusita, haren beharra duten lanpostuei esleituko zaie. Kasuan kasuko mailaren oinarritzko soldataren % 25ekoa izanen da, gehienez".

III. KAPITULUA

Osasunbidea-Nafarroako Osasun Zerbitzuari atxikitako langileen araubide berezia ezartzen duen urriaren 20ko 11/1992 Foru Legean egindako aldaketak

14. artikulua. 29. artikuluko 1. idatz-zatiko c) letra honela geldituko da:

"c) Behar bezala justifikatzen diren beste langile-premia batzuei erantzutea, lanaldi osoak zein partzialekoak, betiere behar horiei erantzuteko langile finkorik ez dagoela egiaztatzen baldin bada".

15. artikulua. 30. artikulua honela geldituko da:

"30. artikulua.

Osasunbidea-Nafarroako Osasun Zerbitzuan sartzen diren langileek Nafarroako Foru Komunitateko Administrazioaren eta haren erakunde autonomoen zerbitzuko funtzionario-izaera izanen dute, salbu eta lanaldi partzialeko lan-kontratudun finkoek. Dena den, sartzen diren langile guztiei Gizarte Segurantzaren araubide orokorra aplikatuko zaie.

IV. KAPITULUA

Langile-talde batzuk B eta C mailetan sartzea

16. artikulua. 1. Foru lege honek indarra hartzeko unean, kabo edo polizia lanpostuetan ari diren Foruzaingoko edo udaltzaingoko kideak Nafarroako polizia kidegoei buruzko otsailaren 13ko 1/1987 Foru Legearen 37. artikuluan ezarritako sailkapenaren C mailan sartuko dira.

2. Foru lege honek indarra hartzeko unean, sarjentu lanpostuetan ari diren Foruzaingoko edo Udaltzaingoko kideak Nafarroako Polizia Kidegoei buruzko otsailaren 13ko 1/1987 Foru Legearen 37. artikuluan ezarritako sailkapenaren B mailan sartuko dira.

3. Toki entitateetako funtzionarioak, foru lege honek indarra hartzean ondotik ageri diren baldintzak betetzen dituztenak, C mailan sartuko dira, 'ambiente' izenarekin:

a) Lanpostu hauetako bat betetzen egotea: zaindaria, zaintzailea, agentea, albientea, gauzaina edo baliokidea, D mailakoa.

b) Delako lanpostua Nafarroako polizia kidegoei buruzko otsailaren 13ko 1/1987 Foru Legeak indarra hartu ondotik eskuratu baldin bada, foru lege horren 12.2 artikulua aipatzen duen prestakuntza ikastaroa gainditu izana.

c) Indarra hartu aurretik eskuratu baldin bada, berriz, udaltzaingoaren eginkizunak agente armadun gisa egiaz bete izana ordura arte.

17. artikulua. Foru lege honek indarra hartzeke unean, polizia ofizialordea lanpostuetan ari diren Nafarroako Administrazio Publikoen zerbitzuko langileak, eta iraungi beharreko lanpostuak dutenak, Nafarroako Administrazio Publikoen zerbitzuko langileen estatutuan ezarritako sailkapenaren B mailan sartuko dira.

18. artikulua. Foru lege honek indarra hartzeke unean, suhiltzaile, zerbitzu osagarrietako suhiltzaile, suhiltzaile gidari, zerbitzu osagarrietako suhiltzaile gidari, suhiltzaile kabu edo zerbitzu osagarrietako suhiltzaile kabu lanpostuetan ari diren Nafarroako administrazio publikoen eta haren erakunde autonomoen zerbitzuko langileak Nafarroako administrazio publikoen zerbitzuko langileen estatutuan ezarritako sailkapenaren C mailan sartuko dira.

19. artikulua. Foru lege honek indarra hartzeke unean, ingurugirozain, mendi zaindarioorde, puerikulturako laguntzaile edo puerikultura-klinikako laguntzaile lanpostuetan ari diren Nafarroako administrazio publikoen eta haren erakunde autonomoen zerbitzuko langileak Nafarroako Administrazio Publikoen zerbitzuko langileen Estatutuan ezarritako sailkapenaren C mailan sartuko dira.

20. artikulua. Foru lege honetako IV. kapituluaren arautu diren sailkatzeen ondorio ekonomiko eta administratiboek 2001eko urtarrilaren 1etik aurrera izanen dute indarra. Aldaketarekin batera, lanpostu horien egungo lansari osagarri guztiak moldatuko dira, izan ere, sailkatze berria izan arren, langile horiek gaur egun jasotzen dituzten guztirako lansarrietan (oinarrizkoak zein osagarriak) ez da igoerarik egongo, graduari dagozkion ordainsarrietan izan ezik.

Xedapen gehigarriak

Lehena. Foru lege honen bidez sailkapen berria duten Nafarroako Administrazio Publikoetako lanpostuak betetzeko, foru lege honek indarra hartu ondoren onesten diren deialdietara aurkeztu diren izangaiei, arau indardunetan ezarritako baldintzez gainera, Nafarroako administrazio publikoen zerbitzuko langileen estatutuko 15. artikuluko 2. idatz-zatian C mailakoentzat ezarritako titulua edukitzea ere eskatuko zaie.

Bigarrena. Puerikulturako laguntzaile eta puerikultura-klinikako laguntzaile lanpostuetan ari direnak C mailara igarotzearekin batera, lanpostu horien izena ere aldatuko da. Haurtzaindegi bati atxikita dauden lanpostuei "haurren hezitzaile" izena emanen zaie eta Nafarroako Foru Komunitateko Administrazioaren eta haren erakunde autonomoen beste zentro edo zerbitzu bati atxikitakoei "hezitzaile".

Xedapen iragankorrak

Lehena. Interes partikularreko borondatezko eszedentzietan lanpostuaren erreserbaldia hemezortzi hilabetera zabaltzeko foru agindu honetan ezarritako bidea foru lege honek indarra hartu aurretik deklaraturako kasu guztiei aplikatuko zaie, betiere egun hartan arte hitzartutako erreserbaldia —urtebekoa— amaitua ez badago.

Bigarrena. Interes partikularreko borondatezko eszedentzia 2000. urtean onartua duten langileek, eman zitzaizen egunean eszedentzia berezia baliatzeko foru lege honetan ezarri diren baldintzak betetzen dituztela egiaztatzen baldin badute, eszedentzia-mota aldatzea eskatu ahalko dute, hasierako deklarazioa egin zenetik aurrerako ondorioekin.

Hirugarrena. Foru lege honen arabera sailkapen berria duten lanpostuak betetzeko deialdia foru lege honek indarra hartu aurretik argitaratua baldin bada, deialdiari aurreko arautegia aplikatuko zaio, baina izendatu eta kargua hartzen duten izangaia C mailan sartuko dira, kasuan kasuko administrazio publikoaren ekinbidez.

Xedapen indargabetzailea

Bakarra. Indarrik gabe utzi dira foru lege honetan xedatutakoaren aurka dauden maila bereko edo apalagoko xedapenak.

Azken xedapenak

Lehena. Nafarroako Gobernuari ahalmena eman zaio foru lege hau zuzen betearazi eta garatzeko behar diren xedapenak eman ditzan.

Bigarrena. Hiru hilabeteko epean, Nafarroako Gobernuak Nafarroako polizia kidegoei buruzko otsailaren 13ko 1/1987 Foru Legearen testu bategin bat prestatu eta onetsiko du legegintzako foru dekretu bidez.

Hirugarrena. Foru lege honek Nafarroako Aldizkari Ofizialean argitaratu eta biharamunean hartuko du indarra, salbu eta 19. artikuluan xedatutakoak.

Foru lege proiektua, Nafarroako Administrazio Publikoen Montepioetako funtzionarioen eskubide pasiboei buruzkoa

OSOKO BILKURAK ONETSITAKO OSOKO ZUZENKETA

Nafarroako Parlamentuak, 2001eko maiatzaren 17an egindako Osoko Bilkuran, Nafarroako Administrazio Publikoen Montepioetako funtzionarioen eskubide pasiboei buruzko Foru Lege proiektua Foru Diputazioari itzultzea erabaki zuen.

Hori horrela, Biltzarreko Erregelamenduko 130.5 artikuluan ezarritakoarekin bat, baztertu egin da proiektu hori.

Iruñean, 2001eko maiatzaren 21ean

Lehendakaria: José Luis Castejón Garrués

B saila:
FORU LEGE PROPOSAMENAK

Foru Legea, abereen osasunari buruzko azaroaren 16ko 11/2000 Foru Legea aldatzen duena

OSOKO BILKURAK ONETSIA

Nafarroako Parlamentuak, 2001eko maiatzaren 17an egindako Osoko Bilkuran, abereen osasunari buruzko azaroaren 16ko 11/2000 Foru Legea aldatzen duen Foru Legea onetsi zuen.

Biltzarreko Erregelamenduko 143. artikuluan ezarritakoa betez, argitara dadin agindu da.

Iruñean, 2001eko maiatzaren 21ean

Lehendakaria: José Luis Castejón Garrués

Foru legea, abereen osasunari buruzko azaroaren 16ko 11/2000 Foru Legea aldatzen duena

ZIOEN AZALPENA

Abereen osasunari buruzko Foru Legearen eztabaidan agerian geratu zen Biltzarreko gehien-goia era guztietako animaliak –hausnarkariak izan ala ez– elikatzeke pentsuak egiteko animalia hilen erabilera debekatzearen alde dagoela.

Iritzi publikoa asaldatuta dago Estatuko zenbait erkidegotan “behien entzefalopatia espongi-formea” (BEE) izeneko gaitza agertu delako.

Presakoa da behar diren aurreneurriak eta segurtasun neurri guztiak jartzea, maila guztietan, gaixotasun hori zabal ez dadin, eta azpimarratzekoa da hura deuseztatu nahi badugu, gaixotasuna agertzeko arrazoiei egin behar diegula aurre. Horretarako, kutsadura-arrisku guztiak deuseztatu behar dira, eta animaliez eginiko animalientzako (eta konpainiako animalientzako) irinak debekatu behar dira, bai eta hirugarren herrialdeetara esporta daitezzen debekatu ere.

Beharrezkoa da hondar arriskutsuak kentzea elikagaien kateatik Europar Batasuneko herrialde guztietan.

Premiazkoa da behien entzefalopatia espongi-formeari buruzko ikerketak areagotzea, inolako

arrastorik bazter utzi gabe, eta kutsadura egiaztatuko duen test fidagarri bat prestatu beharra dago.

Pentsuen industriak gardentasun gehiagoz jokatu behar du; horretarako, osagaiei eta produktuaren jatorriari buruzko xehetasunak emanen dituzten etiketen beharra gero eta nabarmenagoa da.

1. artikulua. Abereen osasunari buruzko azaroaren 16ko 11/2000 Foru Legeko 26. artikuluari bi idatz-zati gehitu zaizkio. Hona testua:

“2. Inoiz ere ezin izanen da animalien gorpurik erabili edozein motatako azpiproduktuak prestatzeko ez eta beste animalia batzuei jaten emateko, konpainiako animaliei barne; guztiz debekaturik dago haiek erabili eta aprobetxatzea, erregai gisa ez bada.

3. Nafarroako Foru Komunitateko administrazioak antolatu eta finantzatzeko dituzten ustategietan teknikariek eskatutako osasun hustuketak direla-eta, bai garrantzi bereziko gaixotasunen ondorioz, hildako animaliak biltzeko planak.”

2. artikulua. Abereen osasunari buruzko azaroaren 16ko 11/2000 Foru Legeko 56. artikuluko 7. idatz-zatia aldatzen da. Hona testu berria:

“7. Hauei probetxua ateratzeko edozein triki-mailu:

– Animalia hiletatik lortutako haragia edo produktuak.

– Nahitaez sakrifikatu beharreko abereetatik lortutako kanal edo errai dekomisatuak.”

3. artikulua. Abereen osasunari buruzko azaroaren 16ko 11/2000 Foru Legeko 56. artikuluko 8. idatz-zatia aldatzen da. Hona testu berria:

“8. Abereen gorpuak, erraiak, hondakinak edo dekomisatuak tratatu eta aprobetxatzeko jarduerak.”

4. artikulua. Abereen osasunari buruzko azaroaren 16ko 11/2000 Foru Legeari xedapen gehigarri berri bat eranstean zaito. Hona haren testua:

“Laugarrena. Animalien pentsuak kontrolatu eta suntsitzea.

1. Foru lege honek indarra hartu eta hilabeteko epean, osagaien artean beste animalia batzuen elementuak dauzkaten animalientzako pentsu konposatu guztiak suntsitu beharko dira.

2. Nekazaritza Departamentuak, foru lege honek indarra hartu eta hilabeteko epean, errege-

lamendu bidez garatuko du beste animalia batzuk elikatzeke pentsuen fabrikaziorako animaliarik erabil ez dadin kontrolatzeko prozedura.

Azken xedapenak

Lehena. Esku ematen zaito Nafarroako Gobernuari foru lege hau egoki garatu eta betetzeko behar diren xedapen guztiak emateko.

Bigarrena. Foru lege honek Nafarroako Aldizkari Ofizialean argitara eman eta biharamunean hartuko du indarra.

Foru Legea, Castejónen ikasleen hezkuntza-zerbitzua mantentzeari buruz Nafarroako Parlamentuak 2000ko ekainaren 30ean hartutako Erabakia betearaztekoa

OSOKO BILKURAK ONETSIA

Nafarroako Parlamentuak, 2001eko maiatzaren 17an egindako Osoko Bilkuran, Castejónen ikasleen hezkuntza-zerbitzua mantentzeari buruz Nafarroako Parlamentuak 2000ko ekainaren 30ean hartutako Erabakia betearazteko Foru Legea onetsi zuen.

Biltzarreko Erregelamenduko 143. artikuluan ezarritakoa betez, argitara dadin agindu da.

Iruñean, 2001eko maiatzaren 21ean

Lehendakaria: José Luis Castejón Garrués

Foru Legea, Castejónen ikasleen hezkuntza-zerbitzua mantentzeari buruz Nafarroako Parlamentuak 2000ko ekainaren 30ean hartutako Erabakia betearaztekoa

ZIOEN AZALPENA

Hezkuntza eta Zientzia Ministerioaren Nafarroako Zuzendaritzak Castejónen derrigorrezko bigarren hezkuntzako ikastetxe bat jartzea erabaki zuen 1989ko urtarrileko Azterlanean –Ikastetxeen Sarea-Hezkuntza Planifikazioa Nafarroan Irakaskuntzen Erreformari Begira–, Castejón, Cadreita, Arguedas eta Valtierra bizenleerik zerbitzua ematearren. Halere, orduko alkateen arteko arazoak zirela-eta, Castejón eskola-mapatik at geratu zen. Castejóngo eskola-komunitatea, ordea, ez zetorren erabaki horrekin bat, eta ez zuen etsi, harik eta, gutxienez, lehen zikloa izateko behin-

behineko baimena lortu zuen arte 1997ko ekainean. Horrela, Nafarroako beste kasu batzuetan bezala, egoera berezia zela onartu eta salbuespen bat egin zen. Izan ere, Foru Komunitateko zenbait herritan eman izan da baimena derrigorrezko bigarren hezkuntza osoa zein lehen zikloa emateko, malgutasun irizpideei jarraikiz –araudiak xedatutakoari jaramon egin gabe–, ikasleentzako hezkuntza zerbitzua eta ikastetxearen hurbiltasun printzipioa kontuan hartuz.

Hezkuntza Administrazioak erabakia hartu zuenetik igarotako urteetan, bertako herritarrek behin eta berriro eskatu dute Castejónen hezkuntza zerbitzuak izatea, hurbil egote printzipioari zein neska-mutikoen bizi kalitateari eta, hortaz, irakaskuntzarekiko jarrera hobea izateari lehentasuna emanez. Hezkuntza komunitatearen ustez, kaltegarria da ikasleak egunero eramatea 232 errepidetik Tuteraraino, Estatuko errepidetik arriskutsu eta ibilienetarikoa baita. Gainera, oso positibotzat jotzen dute herrian eman den urteetako derrigorrezko bigarren hezkuntzako lehen zikloaren kalitatea. Haien ustez, ikastetxea eta irakasleak eskura izateak bide ematen du familiek hezkuntza sisteman benetan parte har dezaten eta erabakiak garaiz har daitezten; hau da, haien ustez horrek hezkuntzaren kalitatea hobetzea dakar.

1999/2000 ikasturtean, Hezkuntza eta Kultura Departamentuak derrigorrezko bigarren hezkuntzako 1. maila kendu zuen –35 ikasleek Tuterara joan behar dute harrezkero– eta 2. maila soilik

geratzen da. Derrigorrezko bigarren hezkuntzako 1eko 26 ikasleak ikasturte honetan agian Tuterara joan behar izanzen zirela-eta, familiek aho batez eskatu zuten Castejónen lehen ziklo osoa egotea, eta erabakiarekin bat egin zuten Eskola Kontseiluak eta gurasoen elkarteak.

Castejóngo Udalak ere ikusi zuen beharrezkoa zela herriarentzat hain garrantzitsua den auzi hori konpontzea, eta halatan, 2000ko ekainaren 23an egindako osoko bilkuran aho batez onetsi zen derrigorrezko bigarren hezkuntzako lehen zikloko ikasleei emandako hezkuntza zerbitzua mantentzeko eta zerbitzu hori aurrerago bigarren ziklora zabaltzeko erabakia, bai eta Dos de Mayo ikastetxe publikoa handitzeko obrei ekitekoa eta Lehen Hezkuntzako langileak eta bikoizketak mantentzeko ere.

Castejóngo hezkuntza komunitateak bere asmoak azaldu zituen Nafarroako Parlamentuan, ekainaren 2an Hezkuntza eta Kultura Batzordean egindako agerraldiaren bidez; bertan, Eskola Kontseiluko ordezkariak eta alkateak ikasleek bertan jarraitzeko eskaria egin zuten. Hezkuntza zerbitzua mantentzeko behin eta berriro egin duten eskariaren ondorioz, Nafarroako Parlamentuak Erabaki bat onetsi zuen gehiengoz ekainaren 30ean, Castejóngo Udalak osoko bilkuran onetsitako erabakiaren ildotik. Haren bidez, Nafarroako Parlamentuak Nafarroako Gobernuak premiariatu zuen Castejóngo Dos de Mayo ikastetxe publikoa handitzeko obrak egin ditzan, derrigorrezko bigarren hezkuntzako lehen zikloa herrian mantendean, bigarren zikloa piskanaka ezartzen hasteko ideia azter dezan eta irakasleen plantillari eta bikoizketei euts diezaien.

Ikasturtea hasi eta erabakia betetzen ez zela ikusita, ahoz erantzuteko galdera egin zitzaion Nafarroako Gobernuari Biltzarrak 2000ko irailaren 14an egindako Osoko Bilkuran, eta Hezkuntza eta Kultura kontseilariak erantzun zuen. Nafarroako Gobernuaren ordezkariak ulertu zuen Parlamentuak eskaera batzuk bete ditzan premiariatu zuela Gobernuak, baina egon ez zegoela inongo agindurik.

Artikulu bakarra. Nafarroako Gobernuak derrigorrezko bigarren hezkuntzako lehen zikloari dagozkion hezkuntza zerbitzuak ezarriko ditu Castejónen, bertako herritarrek eskatzen duten eskolatzeari erantzuteko.

Xedapen iragankorrak

Lehena. Derrigorrezko bigarren hezkuntzako bigarren zikloa piskanaka ezarri eta ikasleen hezkuntza zerbitzua handitu ahalko du Nafarroako Gobernuak, herrian aurreikusi den industri-garapenera begira.

Bigarrena. Nafarroako Gobernuak Castejóngo Dos de Mayo ikastetxe publikoa handitzeko obrak egingen ditu, ikastetxe hori herriak egun dituen beharrianetara egokitzearen, eta herriaren hezkuntza beharrianak aregotzen badira, azpiegitura berriak ezarriko ditu horiei erantzuteko.

Azken xedapena

Nafarroako Aldizkari Ofizialean argitaratu eta biharamunean hartuko du indarra foru lege honek.

Nafarroako Kontseiluari buruzko martxoaren 16ko 8/1999 Foru Legea aldatzeko Foru Lege proposamena

OSOKO BILKURAK ATZERA BIDLITAKOA

Biltzarrak, 2001eko maiatzaren 17an egindako Osoko Bilkuran, Nafarroako Kontseiluari buruzko martxoaren 16ko 8/1999 Foru Legea aldatzeko Foru Lege proposamena atzera bidaltzea erabaki zuen. Foru lege proposamen hori Nafarroako Demokraten Elkargunea Parlamentuko Taldeak

aurkeztu zuen eta 2000ko urriaren 2ko 77. Nafarroako Parlamentuko Aldizkari Ofizialean argitaratu zen.

Iruñean, 2001eko maiatzaren 21ean

Lehendakaria: José Luis Castejón Garrués

E saila:
JABELDURAK, MOZIOAK ETA ADIERAZPEN POLITIKOAK

Erabakia. Horren bidez, Nafarroako Gobernua premiatzen da arrantza barrutien kudeaketa dela-eta zenbait erabaki har ditzan

OSOKO BILKURAK ONETSIA

Nafarroako Parlamentuko Osoko Bilkurak, 2001eko maiatzaren 17an eginiko bileran, ondoko erabakia onetsi zuen: "Erabakia. Horren bidez, Nafarroako Gobernua premiatzen da arrantza barrutien kudeaketa dela-eta zenbait erabaki har ditzan".

Biltzarreko Erregelamenduko 112. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agintzen da.

Iruñean, 2001eko maiatzaren 21ean

Lehendakaria: José Luis Castejón Garrués

Erabakia. Horren bidez, Nafarroako Gobernua premiatzen da arrantza barrutien kudeaketa dela-eta zenbait erabaki har ditzan

1.- Nafarroako Gobernuari eskatzea azken 8 urteotan arrantza elkarteek arrantza barrutietan eginiko kudeaketari buruz audiotretza ekonomiko bat egin dezan.

2.- Nafarroako Gobernuari eztabaida publikoa eta arrantzaleen elkarteek, talde ekologistek, erakundeek, zientzialariek eta abarrek parte hartu ahal izatekoa eskatzea, Nafarroan arrantzaren kudeaketa arautu behar duten irizpiderik egokienei buruz, xede izanik arrainen gaur egungo egoera hobetzea eta arrantza-praktiken ingurumen-eragina minimizatzea, betiere ibaien leheneratzea eta arrantza-praktika egokiekin bateragarri egitea kontuan izanik.

Erabakia. Horren bidez, Nafarroako Gobernua premiatzen da kanpin instalazioetako arriskuak aztertzeari berriro ere ekin diezaion

OSOKO BILKURAK ONETSIA

Nafarroako Parlamentuko Osoko Bilkurak, 2001eko maiatzaren 17an eginiko bileran, ondoko erabakia onetsi zuen: "Erabakia. Horren bidez, Nafarroako Gobernua premiatzen da kanpin instalazioetako arriskuak aztertzeari berriro ere ekin diezaion".

Biltzarreko Erregelamenduko 112. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agintzen da.

Iruñean, 2001eko maiatzaren 21ean

Lehendakaria: José Luis Castejón Garrués

Erabakia. Horren bidez, Nafarroako Gobernua premiatzen da kanpin instalazioetako arriskuak aztertzeari berriro ere ekin diezaion

Nafarroako Parlamentuko Osoko Bilkurak Nafarroako Gobernua premiatzen du atzera ere ekin diezaion kanpin instalazioetako arriskuak aztertzei 1996an sortutako departamentuarterko batzordearen lanari, eta hiru hilabeteko epean ekintza plan bat aurkez dezan Biltzarrean, gutxienez ere ondokoak jasoko dituen:

a) Toki entitateei informazioa eta aholku emateko jarduketak, egun dauden instalazioei eta instalatu nahi diren berriek bete beharreko baldintzei buruz.

b) Gure erkidegoan egun dauden enpresei gaiari buruz informazioa eta aholku ematea.

c) Gobernuak eginiko azterlanetan proposatzen diren neurriak hartzen lagundu behar duten

laguntza publikoak ezartzea.

d) Jarduketa egutegia zehaztea.

e) Planean ondokoen parte hartzea jasoko da: azterlanak egin dituzten departamentuak, Nafarroako Kanpinen Elkarteak, ukitutako toki entitateetako ordezkariak eta gure erkidegoan toki mailan dauden garapen egituretakoak.

Mozioa. Horren bidez, Nafarroako Gobernuak premiatzen da sexu- eta osasun-hezkuntzako teknikari lanpostuetarako prestakuntza berezia eska dezan

OSOKO BILKURAK BAZTER UTZIA

Euskal Herritarrok Parlamentuko Taldeak ondoko mozioa aurkeztu zuen: "Mozioa. Horren bidez, Nafarroako Gobernuak premiatzen da sexu- eta osasun-hezkuntzako teknikari lanpostuetarako prestakuntza berezia eska dezan".

Nafarroako Parlamentuak, 2001eko maiatzaren 17an egindako Osoko Bilkuran, aipatutako

mozioa baztertu zuen. Mozio hori 2001eko martxoaren 26ko 31. Nafarroako Parlamentuko Aldizkari Ofizialean argitaratu zen.

Iruñean, 2001eko maiatzaren 21ean

Lehendakaria: José Luis Castejón Garrués

Mozioa. Horren bidez, Nafarroako Gobernuak premiatzen da, besteak beste, bertan behera utz ditzan azken hilabeteotan euskararen inguruan hartutako neurriak

OSOKO BILKURAK BAZTER UTZIA

Euskal Herritarrok Parlamentuko Taldeak ondoko mozioa aurkeztu zuen: "Mozioa. Horren bidez, Nafarroako Gobernuak premiatzen da, besteak beste, bertan behera utz ditzan azken hilabeteotan euskararen inguruan hartutako neurriak".

Nafarroako Parlamentuak, 2001eko maiatzaren 17an egindako Osoko Bilkuran, aipatutako

mozioa baztertu zuen. Mozio hori 2001eko maiatzaren 15eko 51. Nafarroako Parlamentuko Aldizkari Ofizialean argitaratu zen.

Iruñean, 2001eko maiatzaren 21ean

Lehendakaria: José Luis Castejón Garrués



NAFARROAKO PARLAMENTUKO
ALDIZKARI OFIZIALA

HARPIDETZA ORRIA

Izen-deiturak

Helbidea

Telefonoa *Hiria*

P. K. *Probintzia*

Ordaintzeko:

Dirua Nafarroako Aurrezki Kutxako 2054/0000 41 110007133.9 zenbakiko kontu korrontera igorri edo bertan sartu

HARPIDETZAREN PREZIOA ALDIZKARI OFIZIALA ETA BILKURA EGUNKARIA Urte bat..... 6.300 pta. Aldizkari Ofizialaren aleko prezioa..... 150 » . Bilkura Egunkariaren aleko prezioa..... 185 » .	IDAZLARITZA ETA ADMINISTRAZIOA NAFARROAKO PARLAMENTUA «Nafarroako Parlamentuko Aldizkari Ofiziala» Arrieta 12, 3 31002 IRUÑA
--	--